

Котырес жок сьорын

Писатель но библиотекарь ог-огзэс туссыя тодмало

5-тй оштолэзе Йоскалык библиотекаын Вячеслав Ар-Сергилэн юбилеезлы сйзем ужрадъёс ортчизы. Одыгез соос пöлысь — «Писатель но библиотека» котырес жок.

Одыг герзетын

Ужрадэ вуизы Ижкарись, Глазовьсь, Эгра, Балезино, Яр но Дэри ёросъёсысь библиотекаосын ужасьёс. Соослэн лыдзетюртгёссы шаерысьтымы тодмо писательёслэсь нимъёссэс нулло.

— Элькунамы «Удмурти-лэн литературной шоркарез» проект улонэ пыча, — вераз Йоскалык библиотекалэн кивалтйез Татьяна Тензина, — туэ таё дано ниез Дэри ёрос нуллэ. Али та ёросысь казмасьёс дасяско библиотеказылы Вячеслав Ар-Сергилэсь нимзэ сётыны.

Люкаськемъёс пусйизы: библиотекалы писательлэсь нимзэ сётон — сямьз понна гинэ өвöл, со бадзым кыл кутон, угось табере библиотека писательлэсь произведениоссэ калык пöлы вöлмытон сярысь сюлмаськыны кулэ. Писатель библиотекаын улэ кадэ. Лыдзисъёс со сярысь тодэ ваёнъёссэс пыраклы кельто.

Кылсярысь, Ижысь Флор Васильев нимо библиотека кылбурчиз арлы быдэ буре вае. 2019-тй арын Флор Васильевлы 85 ар тырмиз. Та лыдпуслы сйзъыса, библиотекаын ужасьёс быдэс ар ёже ужрадъёс ортчытъязы: кылбурчилэн творчествоезлы сйзем «Шаерзэ данъям кылбурчи» жыт, «Флор лыдзёньёс» но мукет акциосты радъязы. Берло вакытэ коронавирусэн сэрэн выль амальёслы но дышизы: шара лыдзёньёсыя «Ворекъяло кизилюс» онлайн-конкурс орчытйзы. Библиотекаын ужасьлэн Виолетта Анисимовалэн верамезъя, туэ Флор Васильев сярысь документальной киноосты учкон жыт но солэн кылбуръёсызъя буктрейлеръёсын (книгаос сярысь видеороликъёсын) конкурс радъяськызы на.

Нош Глазовын В. Короленко нимо музейын ужасьёс «Литературной Глазов» указатель кылдытйзы. Городлэн карта вылаз писательёсын, кылбурчиосын герзаськем интыосты пусйизы. Библиотекалэн сайтэз библиографической указателен



Йоскалык библиотекаын вераськызы писательёслэн, библиотекаослэн но лыдзисъёслэн кумысьёссы сярысь.

тодматскыны луэ. Отчы бичамын Глазовысь но Глазов ёросысь писательёслэн улонужан сюресъёссы.

Творчествоез азинтон

Куд-ог библиотекаос туал писательёсын кумып возэ, соослы творчествоез азинтыны юртто. Кылсярысь, Балезиноысь лыдзетюрт быдэс издательской центрлы пöрмиз ни.

2019-тй арын библиотека «Знакомьтес, балежинская книга!» проектзлы грант утйз, со улсын ёрос сярысь кöня ке книга поттэмын. Но гуртоос али но вазиськыло на, тодмо адямиоссы, дор пальёссы сярысь бичет поттыны курыса.

Озыы библиотекаын ужась Елена Лекомцева Люк муниципал кылдытэтын ульсьёслы юрттйз Быдзым Вормонлэн 75 ар тырмонзлы сйзем книга лэсьтыны. Отчы пыризы ожмаськем гуртоос сярысь ивортонъёс. Нош кылбурчиль, композиторлы Александр Сунцов-Турецкийлы книга гинэ поттыны öз юрттэ, авторен быдэстэм кырзанъёсты диске гожтыса, бичет борды ватсазы.

Ярысь библиотекаын ужась Татьяна Малых пачылась мылкыдын тодаз вайиз, кызы «Вортча мадъёс» книгаез поттонэ пырыськызы. Солэн авторъёсыз Вячеслав Ар-Серги но Рафаил Дюкин бичет бордын кема ужазы, сое бесерман кылын гожтыны тыршизы.

— Бесерман кылын книга туж потэ вал поттэмез кылбурчилэн Михаил Федотовлэн, но, жальяса верано, малпанзэ быдэстыны öз быгаты, но ужзэ азинтыны туж юрттйз солэн эшез Вячеслав Ар-Серги, — вераз Татьяна Малых.

Книгаез дасяку, трос споръяськонъёс кылдылйлям: кызы кылэз бесерман сямен шонер гожтоно, мар бордын юнгес ужано.

— Озыы, Татьяналы туж чөм адзöно луиз, кызы кык такаос — мон но Рафаил Минмуллаевич — ог-огенымы лекаськымы, — вераськон борды итйськызы Вячеслав Витальевич.

Но Рафаил Дюкинлэн «Мынам абие озыы вера вал» шуэмез бере вань споръяськонъёс бырылйзы, пе.

— Рафаил Дюкин ачим кадэ ик бесерман вал, — тодаз вае Татьяна Малых, — мон школаын удмурт кылэз дышетй, соин ик та книга бордын ужакумы, бесерман сямен гожъяськыны вырыкумы, тросэныз ачим но соглаш öй вал. Нош али книга дась ини но, пöртэм пумиськонъёсын валамтэос кылдо ке, ачим шуисько ни: «Рафаил Минмуллаевичлэн абиез но, мынам бабае но озыы верало вал, иське, озыы ик кулэ!»

Ваньзэс тодэ

Ужрадэз йылпумъяз нуналэн кузёез — Вячеслав Ар-Серги. Со мадиз, кызы библиотекаен кумып тупатйз.

— Библиотекаен тодматски 5 аресам, — вераз Вячеслав Витальевич, — али кадэ тодйско на, кызы одйг гужем нуналэ, ульчаысьтымы пиосын люкаськыса, бускель ульчаысь пиосын нюръяськыны мынймы. Вормонмы матын вал ни но, кин ке саестйм кутйз. Со вал библиотекаын ужасьмы Татьяна Ивановна Семёнова. Ойдо-ойдо, пе, Славик, мон тыныд выль книга возьмато но канфет сето. Кызы озыы! Кызы пиос монтэк вормозы, малпасько. Но Татьяна Ивановна монэ сьöраз нуиз. Мон пыри библиотекае: отын шуньт, югыт, котырак книгаос тыремын... Со дырысен библиотекаысь öй кошкылы, дыр.

Но вал вакытгёс, куке писатель но библиотека асьсэ коже вামышъяллызы.

— Ми писательёсын бадзым площадъёсын уно калык азын выступать кариськомы вал, — вераз Вячеслав Ар-Серги, — со понна тросгес тыро вал, соин ик библиотекаосы сокем чөм öм вуылэ, отын туж бадзым гонорармы уз луы шуыса.

Но арьёс орчтемъя Вячеслав Витальевич нош ик библиотекаослэн матысь эшсы луиз: пумиськонъёсазы, ужрадъёсазы пырыськылэ, ачиз но кичöлтонъёсын пота.

— Шаерысьтымы вань библиотекарьёсты туссыя тодйско ни, дыр, — вераз Удмуртиысь калык писатель.

Нылпи библиотекаос

Семьяен лыдзиськон

Туэ оштолэзе шаерамы нош ик «Провинциальные семейные чтения» конкурс ялэмын.

Сое орчтытэ Нылпи-ослэн но егитгёслэн элькун библиотеказы. Та чöшатскон радъяське «Удмуртиысь семьяос — Россилэн данъяськонзэ» смотр-конкурс чотын. Сйземын Россиысь калыкгёслэсь лулчеберет узырлыкэс утён арлы но Удмуртиын орчтытэ Дышетонлэн арэзлы. Библиотекалэн кивалтйез Людмила Жикина верамъя, та ужрад юрттэ быдэс семьяен лыдзиськон сямез утыны, семья кумыпгёсты юнматыны. — Таё конкурс шаерамы 2 арлы огпол радъяськылэ. 15 ар ёже отчы пырыськызы ини 784 семья. Вормись семьяосты ми жечкыласькомы шуркынмон толэзе, Анайлэн нуналзлы сйзем ужрадын, — шуэ Людмила Жикина.

Кузыым — книга Та вакытэ ик шаерамы орчте «Устойчивые нылпи библиотеки» конкурс.

Кылем арын конкурсэ 20 ёросысь 30 уж вуиз. Шарканысь ёрос библиотека луиз устойчивые. Городысь библиотекаос понна вормисе потйз Яр ёросысь Пудэмысь нылпи библиотека. Семьяосын жеч ужаны быгатэмзэ возьматйз Глазов ёросысь Адам гуртысь лыдзиськон юрт. Соослы быдэн 59 экземпляр выль книгаос кузьмамы. Кин уг на пырыськы та конкурсамы, чырмытгес кариське, — шуиз Нылпиослэн но егитгёслэн элькун библиотеказылэн кивалтйез Людмила Жикина.